



სსიპ-გორის სახელმწიფო უნივერსიტეტი
 Legal Entity of Public Law - Gori State University



ბრძანება № 1-04

გორი

22 01 2024წ.

სსიპ გორის სახელმწიფო უნივერსიტეტის პროფესორ-მასწავლებლების და შიდა ქართლის სკოლების მასწავლებლების ერთობლივი სამეცნიერო კონფერენციის ჩატარების დებულების დამტკიცების შესახებ

„უმაღლესი განათლების შესახებ“ საქართველოს კანონის 22-ე მუხლის 1-ლი პუნქტის, საქართველოს განათლებისა და მეცნიერების მინისტრის 2022 წლის 30 აგვისტოს N99/ნ ბრძანებით დამტკიცებული „საჯარო სამართლის იურიდიული პირის გორის სახელმწიფო უნივერსიტეტის წესდების“ მე-15 მუხლის 1-ლი და მე-7 პუნქტების, აკადემიური საბჭოს 2016 წლის 15 აპრილის N09-34 დადგენილებისა და ხარისხის უზრუნველყოფის სამსახურის უფროსის (21.01.2024. N46916) სამსახურებრივი ბარათის საფუძველზე

ვ ბ რ ძ ა ნ ე ბ ა:

1. დამტკიცდეს სსიპ გორის სახელმწიფო უნივერსიტეტის პროფესორ-მასწავლებლების და შიდა ქართლის სკოლების მასწავლებლების ერთობლივი სამეცნიერო კონფერენციის ჩატარების დებულება დანართის შესაბამისად.
2. კანცელარიის უფროსმა კანონმდებლობით დადგენილი წესით უზრუნველყოს ამ ბრძანების გაცნობა დაინტერესებული პირებისა და შესაბამისი სტრუქტურული ერთეულებისათვის.
3. საინფორმაციო ტექნოლოგიების უზრუნველყოფის განყოფილებას დაევალოს ამ ბრძანების განთავსება უნივერსიტეტის ოფიციალურ ვებ-გვერდზე.
4. ეს ბრძანება ძალაში შევიდეს კანონით დადგენილი წესით.
5. წინამდებარე ბრძანება დაინტერესებული პირის მიერ შეიძლება გასაჩივრდეს კანონმდებლობით დადგენილი წესით ძალაში შესვლის დღიდან 1 თვის ვადაში გორის რაიონულ სასამართლოში (მისამართი: გორი, ჯორბენაძის ქ. N30).

რექტორი



ალექსანდრე მღებრიშვილი

სსიპ გორის სახელმწიფო უნივერსიტეტის პროფესორ-მასწავლებლების და შიდა ქართლის სკოლების მასწავლებლების ერთობლივი სამეცნიერო კონფერენციის ჩატარების დებულება

1. აღნიშნული დებულება განსაზღვრავს სსიპ გორის სახელმწიფო უნივერსიტეტის (შემდგომში - უნივერსიტეტი) პროფესორ-მასწავლებლების და შიდა ქართლის სკოლების მასწავლებლების ერთობლივი სამეცნიერო კონფერენციის (შემდგომში - კონფერენცია) ჩატარების წესს;
2. კონფერენციის ორგანიზებას ხელმძღვანელობს უნივერსიტეტის საზოგადოებასთან ურთიერთობის სამსახური ხარისხის უზრუნველყოფის სამსახურთან ერთად;
3. კონფერენცია ტარდება შემდეგი სექციების მიხედვით:
 - ა) ისტორია (მსოფლიო ისტორია, საქართველოს ისტორია);
 - ბ) ქართული ენა და ლიტერატურა;
 - გ) უცხოური ენა და ლიტერატურა;
 - დ) ბუნებისმეტყველება;
 - ე) მათემატიკა და ინფორმაციული ტექნოლოგიები;
 - ვ) სპორტი;
 - ზ) განათლება.
4. კონფერენციაში მონაწილეობის მიღება შეუძლიათ უნივერსიტეტის პროფესორ-მასწავლებლებს/მოწვეულ სპეციალისტებს და შიდა ქართლის საჯარო და კერძო სკოლების მასწავლებლებს;
5. კონფერენციაზე სექციურ მუშაობას უხელმძღვანელებს სექციის ხელმძღვანელი, რომელსაც ამტკიცებს შესაბამისი ფაკულტეტის დეკანი თავისი განკარგულებით;
6. კონფერენციაში მონაწილეობის მსურველებმა 2024 წლის 30 აპრილის ჩათვლით ელექტრონული ფოსტის მისამართზე goriuniversityconference@gmail.com უნდა წარმოადგინონ:
 - ა) პირადობის დამადასტურებელი მოწმობა სკანირებული სახით (სავალდებულოა მხოლოდ სკოლის მასწავლებლებისთვის);
 - ბ) პირადი მონაცემების (აპლიკაციის) შევსებული ფორმა დანართი 1-ის შესაბამისად;
 - გ) სამეცნიერო ნაშრომის თეზისი.
7. საკონფერენციო სამეცნიერო ნაშრომის თეზისი წარმოდგენილი უნდა იყოს ელექტრონული სახით შემდეგი მოთხოვნების დაცვით: თეზისი შეიძლება წარმოდგენილი იყოს ქართულ ან უცხოურ (ინგლისურ, გერმანულ ან რუსულ) ენაზე Microsoft Word-ის დოკუმენტის სახით; სავალდებულოა Sylfaen შრიფტის გამოყენება; შრიფტის ზომა 11 (გარდა სათაურისა, შრიფტის ზომა სათაურისთვის 12), ინტერვალი 1,5; გვერდის პარამეტრები: დაშორება ზემოდან, ქვემოდან, მარჯვნიდან, მარცხნიდან 2 სმ.; თეზისის მოცულობა არ უნდა აღემატებოდეს A4 ფორმატის 1 ნაბეჭდ გვერდს. ავტორის (ავტორების) სახელი და გვარი უნდა მიეთითოს ნაშრომის სათაურის ქვეშ ზედა მარჯვენა კუთხეში თანამდებობისა და ორგანიზაციის მითითებით.
8. სკოლის მასწავლებლებს, რომლებიც მონაწილეობას მიიღებენ კონფერენციაში, მიეცემათ ცნობა კონფერენციაში მონაწილეობის შესახებ;
9. კონფერენცია ჩატარდება 2024 წლის 24 მაისს.

სსიპ გორის სახელმწიფო უნივერსიტეტის პროფესორ-მასწავლებლების და შიდა ქართლის სკოლების მასწავლებლების ერთობლივი სამეცნიერო კონფერენცია

24 მაისი, 2024 წელი

აპლიკაციის ფორმა

ავტორის გვარი, სახელი:

თანავტორის / თანავტორების გვარი, სახელი:

მისამართი:

ტელეფონის ნომერი: მობილური: სახლი: -

ელ-ფოსტის მისამართი:

დაწესებულების დასახელება:

თანამდებობა:

სექცია:

ნაშრომის სათაური: